

Уялманг, ... уялинг!

15:16 / 27.03.2017 2666

مُكَبِّحِ اصِّ رَّالِ يِّنِ اِبِّوْبِ اِزَّهَ تَسَيِّ وَّوَنِي كُرْشُ مَلِ اُضْعَبُ هَلَّ لَاقِ لَاقِ نَ اَمَلَسَ نَ عَ
الْوَةَ لَبِّ قَوْلِ لَبِّ قَوْلِ سَنَ اَلِ نَ اَنَ رَمَ اَلْجَ اَلْاَقِ اَءَاخُ لَ اِ تَحْرِ عَيْ شَ لُ كُ مَّ كُ مَّ لَ عِي
مُطْعَ اَلِ وُ عِي جَرِ اَهِي فَ سَيِّ لِرَ اَجْ اَحْ اَثَ اَلِ ثَ نَ وُ دَبِ يَ فَ تَ كَ نَ اَلِ وَا نَ اَمَّ يَّ اَبِ يَ جَ نَ تَ سَ نَ
دمح او ملسم هاور

Салмон (розияллоху анхудан ривоят) қилинади: “Мушриклардан бири истехзо қилиб унга: “Соҳибингизнинг (яъни, пайғамбарингизнинг) сизларга ҳамма нарсани, ҳатто қазои ҳожатни ҳам ўргатаётганини кўряпман-а”, деди. У: “Ҳа, у зот бизга (қазои ҳожатда) қиблага юзланмасликни, ўнг қўл билан истинжо қилмасликни, учтадан кам тош ишлатмасликни, учтанинг ичида (бирортаси ҳам) тезак ва суяк бўлмаслигини”, буюрганлар”, деб жавоб берди. Муслим ва Аҳмад ривояти

Салмони форсий у мушрикнинг гапидан уялмади, уни жеркиб ҳам бермади, унга сукут ҳам қилмади. Балки Расулуллоҳ соллаллоҳу алайҳи васалламнинг кўрсатмалари муҳим ва жиддий бўлиб, уни қабул қилишда қайсарлик ёки уялишни тарк қилиш вожиб эканини билдириб қўйди. Ҳа, саҳобаи киромлар Расулуллоҳ соллаллоҳу алайҳи васалламнинг суннатларидан ҳаё қилмаганлар. Шунинг учун улар пешво уммат бўлишган.

Қуръон ва ҳадис ўқишдан ёки тинглашдан уялманг!, лекин бемаъни, баҳаё шеърлар ўқишдан, муסיқалар тинглашдан, видео лавҳалар кўришдан уялинг!

Жаннатга элтувчи амалларни қилишдан уялманг!, аксинча, дўзахга олиб кирувчи амалларни қилишдан уялинг!

Расулуллоҳ соллаллоҳу алайҳи васалламнинг суннатларига амал қилишдан уялманг!, аммо “одамлар нима дейди?” деб, бидъат-хурофат ва маъсият ишларни қилишдан уялинг!

Камтарона, енгилгина ҳаёт кечиришдан уялманг!, лекин ўта ҳузур-ҳаловатда ва маишатда яшашдан уялинг!

Кичкина тўй қилиб бўлса-да, ҳалол йўл билан уйланишдан уялманг!, аммо фоҳишаларга пул сарфлаб ҳаром юришдан, зино қилишдан уялинг!

Таомланганда идишни ялаб қўйишдан уялманг!, лекин исроф қилиб таом ейишдан уялинг!

Фаррошлик бўлса ҳам, ҳалол касб қилишдан уялманг!, лекин рибохўрлик, порахўрлик каби ҳаром касб қилишдан уялинг!

Иймонга таяниб, Аллоҳнинг қисматига, тақдирига рози бўлиб яшашдан уялманг!, аммо фолбинма-фолбин юриб, амал-жоду қилишдан уялинг!

Бирор катта нарсадан маҳрум бўлишингизга сабаб бўлса ҳам фарзни фарз дейишдан, ҳаромни ҳаром дейишдан уялманг!, лекин шариат ҳаром қилган нарсани ҳалол дейишдан, фарзни инкор қилишдан уялинг!

Зулмни яхшилик билан даф қилишдан уялманг!, бироқ Қиёмат куни Аллоҳга У зот сизга ғазаб қилган ҳолда золим бўлиб йўлиқишдан уялинг!

Дўстларингиз олдида ота-онангизга қулоқ солиб, итоат қилишдан уялманг!, лекин ота-онани норози қилиб вафот этишдан уялинг!

Дўстларингизнинг камбағаллигидан уялманг!, аммо дунё сабаб бўлиб дўстлардан воз кечишдан уялинг!

Ва ҳ.к.з.

Қудратуллоқ Сидиқметов